

Na osnovu člana 72. Zakona o javnim nabavkama u BiH (Službeni glasnik BiH br. 39/14), člana 7. alineja b) Pravilnika o postupku direktnog sporazuma (Službeni glasnik BiH br. 90/14), člana 10. stav (1) alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 11-205-2/15. od 09.11.2015.god., ugovorne strane:

1. KANTONALNA JAVNA USTANOVA „GERONTOLOŠKI CENTAR“ SARAJEVO, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

2. „OTIS LIFTOVI“ doo za projektiranje, proizvodnju, montažu, remont i održavanje liftova, pokretnih stepenica i traka, ul. Paromlinska br.53F., Sarajevo, registrovan kod Općinskog suda u Sarajevu broj: 065-0-Reg-11-003661 (matični broj subjekta: 65-01-0910-11), identifikacijski broj kod Porezne uprave FBiH Kantonalni ured Sarajevo 4201709640003, identifikacijski broj obveznika PDV 201709640003, koga zastupa Direktor Hrvoje Puljić i Izvršni direktor Damir Luzar, (u daljem tekstu: Dobavljač)

dana 20.02.2017.god., zaključuju:

U G O V O R

o nabavci i ugradnji rezervnih dijelova za liftove u objektima
KJU „Gerontološki centar“ Sarajevo

Član 1.

Dobavljač se obavezuje da će izvršiti **nabavku i ugradnju rezervnih dijelova za liftove u objektima KJU „Gerontološki centar“ Sarajevo**, a sve prema zahtjevu Ugovornog organa, broj: 11-205-1/17. od 14.02.2017. godine i prihvaćenoj Ponudi Dobavljača broj B5S2269/17 od 16.02.2017. godine, koji čine sastavni dio ovog Ugovora.

Član 2.

Ukupna ugovorena vrijednost predmetne nabavke iznosi **1.245,00 KM bez PDV-a, odnosno 1.456,62 KM sa PDV-om, s tim da će dobavljač u okviru ponuđene cijene, gratis na propisan način riješiti problem balansiranja tegova u okviru protutega u liftovima u obadva objekta.**

Ugovorne strane su saglasne da ukupna ugovorena vrijednost predmetne nabavke iz stava 1. ovog člana uključuje isporuku i ugradnju rezervnih dijelova, kao i servisiranje u garantnom periodu.

Ukupna cijena predmetne nabavke, iskazane Ponudom Dobavljača, je fiksna do kraja izvršenja ugovora i ne može se mijenjati.

Ako Dobavljač bez pismenog naloga Ugovornog organa izvrši nabavku skuplje opreme od ponuđene i ugovorene, nema pravo zahtijevati nadoknadu razlike u cijeni.

Član 3.

Ugovorni organ se obavezuje da će plaćanje ugovorene vrijednosti predmetne nabavke iz člana 2. ovog Ugovora izvršiti na slijedeći način: u roku od 30 (trideset) dana po završetku svih ugovorenih obaveza i obostrano potpisanog zapisnika o primopredaji ugrađene opreme i prijema fakture Dobavljača, na njegov transakcijski račun, broj: 338 690 229 651 64 37, otvoren kod UniCredit Bank dd Sarajevo. Plaćanje će se vršiti u KM.

Za svako kašnjenje u plaćanju Ugovorni organ se obavezuje da Dobavljaču pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

Član 4.

Dobavljač se obavezuje da će opremu, koja je predmet ovog Ugovora, isporučiti u skladu sa zahtijevanim i odgovarajućim kvalitetom i karakteristikama, prema zahtjevima Ugovornog organa, te da će u slučaju isporuke neodgovarajuće opreme, koja ne udovoljava zahtjevima Ugovornog organa ili opreme sa skrivenim manama koje se nisu mogle odmah uočiti, prihvatiti povrat takve opreme i o vlastitom trošku isporučiti opremu odgovarajućeg kvaliteta i karakteristika.

Dobavljač se obavezuje da će ugradnju predmetne opreme izvršiti stručno i kvalitetno, uz poštivanje tehničkih normi i propisa, sa kvalificiranim osobljem i atestiranom opremom.

Dobavljač garantuje da će tehnička svojstva isporučene opreme i ugradnja iste odgovarati zahtjevima utvrđenim zakonskim propisima, tehničkim mjerama, normativima i standardima koji važe za predmetnu opremu.

Član 5.

Dobavljač se obavezuje da će predmetnu opremu isporučiti na adresu Ugovornog organa, da će istu ugraditi najkasnije u roku od 7 dana od stupanja na snagu ovog Ugovora.

Ukoliko Dobavljač svojom krivicom ne izvrši ugovorene obaveze u roku iz stava 1. ovog člana, dužan je platiti Ugovornom organu, na ime ugovorene kazne, za svaki dan zakašnjenja 1% od ugovorene cijene opreme.

Pored prava iz prethodnog stava, Ugovorni organ ima pravo na naknadu štete, ako je ista prouzrokovana ovim zakašnjenjem.

Član 6.

Ukoliko u toku izvršenja ovog Ugovora nastupe okolnosti koje se u vrijeme zaključenja Ugovora nisu mogle predvidjeti, a koje utiču na njegovo blagovremeno izvršenje, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Dobavljač je dužan da o nastalim nepredviđenim okolnostima zbog kojih je ometen u izvršenju Ugovora odmah pismeno obavijesti Ugovorni organ.

Član 7.

Ugovorne strane su saglasne da se po ugradnji opreme zajednički izvrši funkcionalna proba i testiranje ispravnosti isporučenih i ugrađenih rezervnih dijelova za liftove.

Ukoliko se prilikom funkcionalne probe ustanovi nedostatak kod opreme, Dobavljač se obavezuje da tu opremu zamijeni novom u roku od 2 dana. Ugovorne strane su saglasne da se o tome sačini poseban zapisnik, koji će biti potpisan od strane ovlaštenih predstavnika ugovornih strana.

Ugovorne strane su saglasne da se nakon izvršene ugradnje predmetne opreme i uspješne funkcionalne probe, izvrši puštanje u rad liftova sa potrebnim podešavanjem, te da se sačini zapisnik o primopredaji ugrađenih rezervnih dijelova za liftove u objektima i da se isti ovjeri potpisima od strane ovlaštenih predstavnika obje ugovorne strane.

Dobavljač se obavezuje da će pri puštanju u rad predmetne opreme dostaviti svu potrebnu dokumentaciju.

Na osnovu zapisnika o primopredaji ugrađenih rezervnih dijelova za liftove u objektima, iz stava 3. ovog člana, Dobavljač će sačiniti račun i dostaviti ga na ovjeru i plaćanje Ugovornom organu.

Član 8.

Garantni rok za isporučene i ugrađene rezervne dijelove, koje su predmet ovog Ugovora, iznosi 1 godinu od dana ugradnje i puštanja u rad istih, u kom roku se Dobavljač obavezuje bez naknade vršiti servisiranje, održavanje i zamjenu neispravne opreme ili dijelova iste.

Dobavljač se obavezuje da otklanjanje svakog kvara izvrši u roku od jednog sata po upućenom pozivu.

Dobavljač garantuje servisiranje, održavanje i obezbjeđivanje rezervnih dijelova za ugrađenu opremu i u postgarantnom periodu.

Član 9.

Dobavljač u toku garantnog perioda odgovara za skrivene mane i nedostatke na opremi, koji se nisu mogli odmah uočiti.

Ugovorni organ je obavezan da obavijesti Dobavljača o svim skrivenim nedostacima na isporučenoj i ugrađenoj opremi koji se nisu mogli odmah uočiti, i to u roku od 7 dana od dana uočavanja takvih nedostataka, i da zahtijeva njihovo otklanjanje odmah, a najkasnije u roku od 24 sata.

Ugovorni organ se obavezuje da o svim vidljivim nedostacima na predmetnoj opremi odmah obavijesti Dobavljača i da zahtijeva njihovo otklanjanje odmah, a najkasnije u roku od 24 sata.

Ukoliko se radi o neispravnosti isporučene opreme koja se ne može odmah i trajno otkloniti, Dobavljač se obavezuje da će u roku od 2 dana Ugovornom organu isporučiti ispravnu opremu, bez bilo kakvih smetnji i nedostataka.

Član 10.

Za vrijeme trajanja garantnog roka Dobavljač ne odgovara za kvarove na opremi koji su uzrokovani nepravilnim korištenjem sa ciljem namjernog oštećenja predmetne opreme, kao ni u slučaju više sile.

Član 11.

Ovaj Ugovor stupa na snagu danom potpisivanja ugovornih strana.

Član 12.

Odredbe ovog Ugovora mogu se mijenjati samo uz pismenu saglasnost obje ugovorne strane.

Član 13.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 14.

Eventualne sporove nastale po ovom Ugovoru ugovorne strane će pokušati riješiti dogovorom, u protivnom nadležan je sud u Sarajevu.

Član 15.

Ovaj Ugovor je sačinjen u četiri /4/ istovjetna primjerka, od kojih svaka strana zadržava po dva /2/ primjerka.

DOBAVLJAČ:

Broj: _____
Sarajevo, 24.02.2017.



UGOVORNI ORGAN:

Broj: 11-205-4/17.
Sarajevo, 20.02.2017. god.

